

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

U P U T S T V O
o izgledu i načinu ispunjavanja obrasca Izjave o imovinskom stanju

Sarajevo, maj 2026. godine

Na osnovu članova 2.9 stav (1) tačka 2. i 15.8 stav (3) Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 29. sjednici, održanoj 06.05.2026. godine, donijela

U P U T S T V O
o izgledu i načinu ispunjavanja obrasca Izjave o imovinskom stanju

Član 1.
(Predmet – članovi 15.7 i 15.8 Izbornog zakona BiH)

Uputstvom o izgledu i načinu ispunjavanja obrasca Izjave o imovinskom stanju (u daljem tekstu: Uputstvo) propisuje se izgled i način popunjavanja Izjave o imovinskom stanju (u daljem tekstu: Izjava) i distribucija obrasca Izjave izabranih članova organa vlasti (u daljem tekstu: izabrani zvaničnik), kao i izabranih zvaničnika kojima prestaje mandat u skladu s Izbornim zakonom Bosne i Hercegovine (u daljem tekstu: Izborni zakon BiH).

Član 2.
(Izgled Izjave)

Izgled Izjave je kako slijedi:

- a) u gornjem dijelu je znak Centralne izborne komisije Bosne i Hercegovine;
- b) puni naziv Izjave sa stavcima: svrha i datum podnošenja Izjave;
- c) prva stranica, na kojoj se upisuju podaci o izabranom zvaničniku po stavcima: opće informacije o izabranom zvaničniku, njegovoj porodici i članovima domaćinstva prema kojima ima zakonsku obavezu izdržavanja te sadašnji prihodi i izvori prihoda izabranog zvaničnika u Bosni i Hercegovini i inostranstvu u protekloj kalendarskoj godini;
- d) druga stranica, na kojoj se upisuju podaci po stavcima: imovina izabranog zvaničnika u vrijednosti većoj od 5.000,00 KM, njegovim rashodima i drugim obavezama u Bosni i Hercegovini i inostranstvu s dodatnim pojašnjenjem ovih stavaka te potpis izabranog zvaničnika;
- e) treća stranica, na kojoj se upisuju podaci o imovinskom stanju bračnog druga izabranog zvaničnika po stavcima: sadašnji prihodi i izvori prihoda u Bosni i Hercegovini i inostranstvu u protekloj kalendarskoj godini, njegovoj imovini u vrijednosti većoj od 5.000,00 KM te njegovi rashodi i druge obaveze u Bosni i Hercegovini i inostranstvu;
- f) četvrta stranica, na kojoj se upisuju podaci o imovinskom stanju djece izabranog zvaničnika po stavcima: sadašnji prihodi i izvori prihoda u Bosni i Hercegovini i inostranstvu u protekloj kalendarskoj godini, njihovoj imovini u vrijednosti većoj od 5.000,00 KM te njihovim rashodima i drugim obavezama u Bosni i Hercegovini i inostranstvu i
- g) peta stranica, na kojoj se upisuju podaci o imovinskom stanju članova domaćinstva prema kojima izabrani zvaničnik ima zakonsku obavezu izdržavanja po stavkama: sadašnji prihodi i izvori prihoda u Bosni i Hercegovini i inostranstvu u protekloj kalendarskoj godini, njihovoj imovini u vrijednosti većoj od 5.000,00 KM te njihovim rashodima i drugim obavezama u Bosni i Hercegovini i inostranstvu.

Član 3.
(Dostupnost i dostavljanje obrasca Izjave)

(1) Unos podataka u Izjavu vrši se isključivo putem aplikacije za imovinske kartone, koja je dostupna na internet-stranici Centralne izborne komisije Bosne i Hercegovine (u daljem tekstu: Centralna izborna komisija BiH) www.izbori.ba.

(2) Izjava se popunjava isključivo elektronskim putem korištenjem aplikacije za imovinske kartone iz stava (1) ovog člana, nakon čega se odštampana iz aplikacije i svojeručno potpisana dostavlja Centralnoj izbornoj komisiji BiH.

Član 4.
(Obaveza dostavljanja Izjave – članovi 15.7 stav (1) i 15.8 stavovi (1) i (2) Izbornog zakona BiH)

Obavezu dostavljanja Izjave u rokovima propisanim u članu 15.8 stavovi (1) i (2) Izbornog zakona BiH imaju:

- a) svi izabrani zvaničnici na svim nivoima vlasti i
- b) svi izabrani zvaničnici kojima je istekao mandat na koji su izabrani, kao i u slučaju prestanka mandata u skladu s članom 1.10 Izbornog zakona BiH, osim u slučajevima propisanim članom 1.10 stav (1) tačka 3) Izbornog zakona BiH.

Član 5.
(Nadležnost)

Centralna izborna komisija BiH distribuira obrazac Izjave kako slijedi:

- a) izabranom članu organa vlasti, uz izjavu o prihvatanju mandata;
- b) izabranom članu organa vlasti kojem je prestao mandat, uz odluku o prestanku mandata i
- c) izabranom članu organa vlasti kojem je istekao mandat putem organa vlasti u kojem mu je prestao mandat.

Član 6.
(Dostupnost javnosti – član 15.9 Izbornog zakona BiH)

Nakon prijema obrasca Izjave, Centralna izborna komisija BiH evidentira u bazi podataka izabranog zvaničnika podatak o dostavljanju Izjave. Centralna izborna komisija BiH će omogućiti da podaci iz obrasca Izjave budu dostupni javnosti u skladu s odredbama Zakona o slobodi pristupa informacijama u Bosni i Hercegovini i odredbama Zakona o zaštiti ličnih podataka.

Član 7.
(Način ispunjavanja obrasca Izjave)

(1) Na stranici 1. Izjave upisuju se podaci po stavcima, kako slijedi:

- a) u stavku “Svrha” upisuje se početak mandata ili prestanak odnosno istek mandata izabranog zvaničnika i datum podnošenja Izjave;
- b) u stavku “Opće informacije o izabranom zvaničniku” upisuje se:
 - 1) ime i prezime izabranog zvaničnika,
 - 2) nivo vlasti za koji se podnosi obrazac Izjave,
 - 3) naziv izborne jedinice u kojoj je osvojen mandat,

- 4) šifra izborne jedinice,
- 5) naziv političkog subjekta ispred kojeg je izabrani zvaničnik osvojio mandat,
- 6) šifra političkog subjekta;
- c) u stavku "Podaci o bračnom drugu" upisuje se bračni status;
- d) u stavku "Podaci o djeci" izabrani zvaničnik upisuje ima li djecu i, ukoliko ima, upisuje podatak o broju djece;
- e) u stavku "Članovi domaćinstva prema kojima izabrani zvaničnik ima zakonsku obavezu izdržavanja" upisuje se broj tih članova i
- f) u stavku "Podaci o sadašnjim prihodima i izvorima prihoda izabranog zvaničnika u Bosni i Hercegovini i inostranstvu u protekloj kalendarskoj godini" upisuju se po rubrikama svi prihodi i izvori prihoda (plaća, penzija, naknada, komisija, dobit od imovine, honorar) i u rubriku "Drugo" uplate i druge zarade ostvarene u Bosni i Hercegovini i inostranstvu u protekloj godini.

U prvoj koloni "Vrsta prihoda" izabrani zvaničnik označava koje vrste prihoda je imao u protekloj godini.

U drugoj koloni "Period (od-do)" izabrani zvaničnik upisuje period za koji je imao označene prihode (npr. 01. 01. 2017. – 31. 12. 2017. godine).

U trećoj koloni "Iznos prihoda (KM)" izabrani zvaničnik upisuje iznos označenih prihoda u konvertibilnim markama (npr. 156.000.000 KM), a na kraju ovog stavka upisuje ukupan iznos označenih prihoda iz treće kolone.

(2) Na stranici 2. Izjave upisuju se podaci po stavcima, kako slijedi:

- a) U stavku "Imovina izabranog zvaničnika u vrijednosti većoj od 5.000 KM" upisuju se podaci o imovini koju ima, uključujući novac, račune u banci, poslovnu dokumentaciju, dionice, vrijednosne papire, obveznice, nekretnine, ličnu imovinu, stanarsko pravo i drugu imovinu i dobra u vrijednosti većoj od 5.000 KM, u Bosni i Hercegovini i inostranstvu.

U prvoj koloni "Vrsta imovine" izabrani zvaničnik označava imovinu koju posjeduje, a u slučaju da posjeduje neku drugu imovinu koja nije navedena u ovom stavku, označava redni broj 11 i upisuje vrstu imovine koju ima.

U drugoj koloni "Podaci o imovini" upisuju se detaljniji podaci o imovini: površina stana, kuće i zemljišta, naziv firme u kojoj postoji vlasništvo ili suvlasništvo, procentualno učešće u dioničarskom kapitalu, marka model i godina proizvodnje automobila itd.

U trećoj koloni "Država u kojoj je imovina" izabrani zvaničnik upisuje državu u kojoj se imovina nalazi.

U četvrtoj koloni "Vrijednost (KM)" izabrani zvaničnik upisuje broječno tržišnu vrijednost stana ili kuće, firme, vrijednost automobila, iznos novca u banci, obveznica u konvertibilnim markama (KM), a na kraju ovog stavka upisuje ukupan iznos označene imovine iz četvrte kolone.

- b) U stavku "Rashodi i druge obaveze izabranog zvaničnika u Bosni i Hercegovini i inostranstvu" izabrani zvaničnik upisuje sve svoje rashode i druge obaveze u Bosni i Hercegovini i inostranstvu.

U prvoj koloni "Vrsta obaveze" izabrani zvaničnik označava obaveze po osnovu dugovanja, obveznica, mjenica, kredita, garancija ili druge obaveze.

U drugoj koloni "Naziv povjerioca" upisuje se naziv banke ili drugog povjerioca, pojedinačno za svaku obavezu.

U trećoj koloni "Datum izmirenja duga" izabrani zvaničnik upisuje krajnji rok za izmirenje svake pojedinačne obaveze.

U četvrtoj koloni "Vrijednost u KM" izabrani zvaničnik upisuje vrijednost u konvertibilnim markama svake označene obaveze i ukupan iznos obaveze, a na kraju ovog stavka upisuje ukupan iznos označenih obaveza iz četvrte kolone.

- 1) U stavku "Dodatna pojašnjenja prethodnih stavaka" izabrani zvaničnik može upisati dodatna pojašnjenja za stavak f) na stranici 1. i stavke a) i b) na stranici 2. Izjave.
- 2) U stavku "Potpis izabranog zvaničnika" izabrani zvaničnik nakon popunjavanja Izjave istu potpisuje, čime potvrđuje vjerodostojnost ispunjenog obrasca Izjave, kao i saglasnost da Centralna izborna komisija BiH može obrađivati njegove lične podatke iz Izjave u skladu s odredbama Izbornog zakona BiH i odredbama Zakona o zaštiti ličnih podataka.

(3) Ako je izabrani zvaničnik na stranici 1. Izjave naveo da ima bračnog druga, a da bračni drug ima prihode, imovinu ili obaveze, bračni drug izabranog zvaničnika na stranici 3. Izjave upisuje podatke o imovinskom stanju po stavcima, kako slijedi:

- a) U stavku "Podaci o sadašnjim prihodima i izvorima prihoda u Bosni i Hercegovini i inostranstvu u protekloj kalendarskoj godini" bračni drug izabranog zvaničnika upisuje po rubrikama sve prihode i izvore prihoda (plaća, penzija, naknada, komisija, dobit od imovine, honorar) i u rubriku "Drugo" uplate i druge zarade ostvarene u Bosni i Hercegovini i inostranstvu u protekloj godini.

U prvoj koloni "Vrsta prihoda" bračni drug izabranog zvaničnika označava koje vrste prihoda je imao u protekloj godini.

U drugoj koloni "Period (od-do)" bračni drug izabranog zvaničnika upisuje period za koji je imao označene prihode (npr. 01. 01. 2017. – 31. 12. 2017. godine).

U trećoj koloni "Iznos prihoda (KM)" bračni drug izabranog zvaničnika upisuje iznos označenih prihoda u konvertibilnim markama, a na kraju ovog stavka upisuje ukupan iznos označenih prihoda iz treće kolone.

- b) U stavku "Imovina bračnog druga u vrijednosti većoj od 5.000 KM" upisuje se imovina koju ima, uključujući novac, račune u banci, poslovnu dokumentaciju, dionice, vrijednosne papire, obveznice, nekretnine, ličnu imovinu, stanarsko pravo i drugu imovinu i dobra u vrijednosti većoj od 5.000 KM, u Bosni i Hercegovini i inostranstvu.

U prvoj koloni "Vrsta imovine" bračni drug izabranog zvaničnika označava imovinu koju posjeduje, a u slučaju da posjeduje drugu imovinu koja nije navedena u ovom stavku, označava redni broj 11 i upisuje vrstu imovine koju ima.

U drugoj koloni "Podaci o imovini" upisuju se detaljniji podaci o imovini: površina stana, kuće i zemljišta, naziv firme u kojoj postoji vlasništvo ili suvlasništvo, procentualno učešće u dioničarskom kapitalu, marka, model i godina proizvodnje automobila itd.

U trećoj koloni "Država u kojoj je imovina" bračni drug izabranog zvaničnika upisuje državu u kojoj se imovina nalazi.

U četvrtoj koloni "Vrijednost (KM)" bračni drug izabranog zvaničnika upisuje brojčano tržišnu vrijednost stana ili kuće, firme, vrijednost automobila, iznos novca u banci, obveznica u konvertibilnim markama (KM), a na kraju ovog stavka upisuje ukupan iznos označene imovine iz četvrte kolone.

- c) U stavku "Rashodi i druge obaveze bračnog druga u Bosni i Hercegovini i inostranstvu" bračni drug izabranog zvaničnika upisuje sve svoje rashode i druge obaveze u Bosni i Hercegovini i inostranstvu.

U prvoj koloni "Vrsta obaveze" bračni drug izabranog zvaničnika označava obaveze po osnovu dugovanja, obveznica, mjenica, kredita, garancija ili neku drugu obavezu.

U drugoj koloni "Naziv povjerioca" upisuje se naziv banke ili drugog povjerioca, pojedinačno za svaku obavezu.

U trećoj koloni "Datum izmirenja duga" bračni drug izabranog zvaničnika upisuje krajnji rok za izmirenje svake pojedinačne obaveze.

U četvrtoj koloni "Vrijednost u KM" bračni drug izabranog zvaničnika upisuje vrijednost u konvertibilnim markama svake označene obaveze i ukupan iznos obaveze, a na kraju ovog stavka upisuje ukupan iznos označenih obaveza iz četvrte kolone.

(4) Ako je izabrani zvaničnik naveo na stranici 1. Izjave da ima djecu, a da djeca imaju prihode, imovinu ili obaveze, djeca izabranog zvaničnika na stranici 4. Izjave upisuju podatke o imovinskom stanju po stalcima, kako slijedi:

- a) U stavku "Podaci o sadašnjim prihodima i izvorima prihoda u Bosni i Hercegovini i inostranstvu u protekloj kalendarskoj godini" djeca izabranog zvaničnika upisuju po rubrikama sve prihode i izvore prihoda (plaća, penzija, naknada, komisija, dobit od imovine, honorar) i u rubriku "Drugo" uplate i druge zarade ostvarene u Bosni i Hercegovini i inostranstvu u protekloj godini.

U prvoj koloni "Vrsta prihoda" djeca izabranog zvaničnika označavaju koje vrste prihoda su imala u protekloj godini.

U drugoj koloni "Period (od-do)" djeca izabranog zvaničnika upisuju period za koji su imali označene prihode (npr. 01. 01. 2017. – 31. 12. 2017. godine).

U trećoj koloni "Iznos prihoda (KM)" djeca izabranog zvaničnika upisuju iznos označenih prihoda u konvertibilnim markama, a na kraju ovog stavka upisuju ukupan iznos označenih prihoda iz treće kolone.

- b) U stavku "Imovina djece u vrijednosti većoj od 5.000 KM" upisuju se podaci o imovini koju imaju, uključujući novac, račune u banci, poslovnu dokumentaciju, dionice, vrijednosne papire, obveznice, nekretnine, ličnu imovinu, stanarsko pravo i drugu imovinu i dobra u vrijednosti većoj od 5.000 KM, u Bosni i Hercegovini i inostranstvu.

U prvoj koloni "Vrsta imovine" djeca izabranog zvaničnika označavaju imovinu koju posjeduju, a u slučaju da posjeduju neku drugu imovinu koja nije navedena u ovom stavku, označavaju redni broj 11 i upisuju vrstu imovine koju imaju.

U drugoj koloni "Podaci o imovini" upisuju se detaljniji podaci o imovini: površina stana, kuće i zemljišta, naziv firme u kojoj postoji vlasništvo ili suvlasništvo, procentualno učešće u dioničarskom kapitalu, marka, model i godina proizvodnje automobila itd.

U trećoj koloni "Država u kojoj je imovina" djeca izabranog zvaničnika upisuju državu u kojoj se imovina nalazi.

U četvrtoj koloni "Vrijednost KM" djeca izabranog zvaničnika upisuju brojčano tržišnu vrijednost stana ili kuće, firme, vrijednost automobila, iznos novca u banci, obveznica u konvertibilnim markama (KM), a na kraju ovog stavka upisuju ukupan iznos označene imovine iz četvrte kolone.

- c) U stavku "Rashodi i druge obaveze djece u Bosni i Hercegovini i inostranstvu" djeca izabranog zvaničnika upisuju sve svoje rashode i druge obaveze u Bosni i Hercegovini i inostranstvu.

U prvoj koloni "Vrsta obaveze" djeca izabranog zvaničnika označavaju obaveze po osnovu dugovanja, obveznica, mjenica, kredita, garancija ili drugu obavezu.

U drugoj koloni "Naziv povjerioca" upisuje se naziv banke ili drugog povjerioca, pojedinačno za svaku obavezu.

U trećoj koloni "Datum izmirenja duga" djeca izabranog zvaničnika upisuju krajnji rok za izmirenje svake pojedinačne obaveze.

U četvrtoj koloni "Vrijednost u KM" djeca izabranog zvaničnika upisuju vrijednost u konvertibilnim markama svake označene obaveze i ukupan iznos obaveze, a na kraju ovog stavka upisuju ukupan iznos označenih obaveza iz četvrte kolone.

(5) Ako je izabrani zvaničnik naveo na stranici 1. Izjave da ima članove domaćinstva prema kojima izabrani zvaničnik ima zakonsku obavezu izdržavanja (u daljem tekstu: članovi domaćinstva), a da članovi domaćinstva imaju prihode, imovinu ili obaveze, članovi domaćinstva izabranog zvaničnika na stranici 5. Izjave upisuju podatke o imovinskom stanju po stalcima, kako slijedi:

- a) U stavku "Podaci o sadašnjim prihodima i izvorima prihoda u Bosni i Hercegovini i inostranstvu u protekloj kalendarskoj godini" članovi domaćinstva izabranog zvaničnika upisuju po rubrikama sve prihode i izvore prihoda (plaća, penzija, naknada, komisija, dobit od imovine, honorar) i u rubriku "Drugo" uplate i druge zarade ostvarene u Bosni i Hercegovini i inostranstvu u protekloj godini.

U prvoj koloni "Vrsta prihoda" članovi domaćinstva izabranog zvaničnika označavaju koje vrste prihoda su imali u protekloj godini.

U drugoj koloni "Period (od-do)" članovi domaćinstva izabranog zvaničnika upisuju period za koji su imali označene prihode (npr. 01. 01. 2017. – 31. 12. 2017. godine).

U trećoj koloni "Iznos prihoda (KM)" članovi domaćinstva izabranog zvaničnika upisuju iznos označenih prihoda u konvertibilnim markama, a na kraju ovog stavka upisuju ukupan iznos označenih prihoda iz treće kolone.

- b) U stavku "Imovina članova domaćinstva u vrijednosti većoj od 5.000 KM" upisuje se imovina koju imaju, uključujući novac, račune u banci, poslovnu dokumentaciju, dionice, vrijednosne papire, obveznice, nekretnine, ličnu imovinu, stanarsko pravo i drugu imovinu i dobra u vrijednosti većoj od 5.000 KM, u Bosni i Hercegovini i inostranstvu.

U prvoj koloni "Vrsta imovine" članovi domaćinstva izabranog zvaničnika označavaju imovinu koju posjeduju, a u slučaju da posjeduju neku drugu imovinu koja nije navedena u ovom stavku, označavaju redni broj 11 i upisuju vrstu imovine koju imaju.

U drugoj koloni "Podaci o imovini" upisuju se detaljniji podaci o imovini: površina stana, kuće i zemljišta, naziv firme u kojoj postoji vlasništvo ili suvlasništvo, procentualno učešće u dioničarskom kapitalu, marka, model i godina proizvodnje automobila itd.

U trećoj koloni "Država u kojoj je imovina" članovi domaćinstva izabranog zvaničnika upisuju državu u kojoj se imovina nalazi.

U četvrtoj koloni "Vrijednost KM" članovi domaćinstva izabranog zvaničnika upisuju brojevano tržišnu vrijednost stana ili kuće, firme, vrijednost automobila, iznos novca u banci, obveznica u konvertibilnim markama (KM), a na kraju ovog stavka upisuju ukupan iznos označene imovine iz četvrte kolone.

- c) U stavku "Rashodi i druge obaveze članova domaćinstva u Bosni i Hercegovini i inostranstvu" članovi domaćinstva izabranog zvaničnika upisuju sve svoje rashode i druge obaveze u Bosni i Hercegovini i inostranstvu.

U prvoj koloni "Vrsta obaveze" članovi domaćinstva izabranog zvaničnika označavaju obaveze po osnovu dugovanja, obveznica, mjenica, kredita, garancija ili drugu obavezu.

U drugoj koloni "Ime ili naziv povjerioca" upisuje se naziv banke ili drugog povjerioca, pojedinačno za svaku obavezu.

U trećoj koloni “Datum izmirenja duga” članovi domaćinstva izabranog zvaničnika upisuju krajnji rok za izmirenje svake pojedinačne obaveze.

U četvrtoj koloni “Vrijednost u KM” članovi domaćinstva izabranog zvaničnika upisuju vrijednost u konvertibilnim markama svake označene obaveze i ukupan iznos obaveze, a na kraju ovog stavka upisuju ukupan iznos označenih obaveza iz četvrte kolone.

Član 8.
(Upotreba izraza u muškom i ženskom rodu)

Riječi koje su radi preglednosti u ovom Uputstvu navedene u jednom rodu, bez diskriminacije se odnose i na muški i na ženski rod.

Član 9.
(Prestanak primjene)

Danom stupanja na snagu ovog Uputstva prestaje važiti Uputstvo o izgledu i načinu ispunjavanja obrasca Izjave o imovinskom stanju (“Službeni glasnik BiH”, br. 56/17, 4/21 i 31/24).

Član 10.
(Stupanje na snagu i objavljivanje u službenim glasilima)

Ovo Uputstvo stupa na snagu danom donošenja, a bit će objavljeno u “Službenom glasniku BiH”, “Službenim novinama FBiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH www.izbori.ba.

Broj: 05-1-02-2-723-1/26
Sarajevo, 06.05.2026. godine

Predsjednik

Marić
Sevan Kalaba

